

謚

法

通

考

謚法通考序

自古所稱至無私而不得不然者  
有兩惟濫矣私亦惟史無私  
之用賞罰之所出也史之用  
之所出也而史之有春秋也則史

而法者也法之有謚也則法而史  
者也凡澆之行駭賢以至公至明  
之心與天下一毫我不得而私焉  
生人之類亦何所不至蓋撥事  
定或以露敗而因以暴白也可勝

道哉且夫愛憎恩讎言趨背踈  
神人之時有人之有所賢有所不  
省一旦息平於世異論定於情  
忘然後人品乃見未必明於生  
者必能明於死未必公於前者

言法通夫  
為能已於後其為能明與為能  
公者不能為之於法者必能為之  
於謚故賞罰者隱也 是非者史  
也賞之不之而是之罰之不足而  
非之者謚也謚也者重法與史

出而其至公至剛又合於不能公  
者與不能剛者而不能者  
也學士聞於所聞以謂是賞罰  
也豈非也乃曠王勸懲天下之  
具夫曠王之治天下禮樂刑政

大經大灋要不可易所謂勸懲  
天下者天下自各以勸懲取焉  
聖王非特為勸懲設也特為  
勸懲而設則聖王之賞罰是  
非亦細矣不然者假令天下盡

已勸矣盡已懲矣而賞罰是  
非遂可已乎抑或未之使能勸  
且懲者而賞罰是非遂無益  
而不必庸乎物之有勸懲受變  
於賞罰是非賞罰是非受常

於天之於物生於春長於夏收  
於秋藏於冬而天則以四時自正  
於上豈其四時之候而物以有  
為聖王之道猶天然臣子之於君  
父尚有不待已而南郊稱天以

溢之與抑將君親之不可少講  
而為以垂戒來世益某也至言之  
善之如是止某也不善不善之  
如是止善不得以私諸惡之不  
得以私諸善、惡不得以溢於

所私美者自美惡者自惡謚  
之不濟不能者嗚呼一字為褒  
貶謂何耳古者謚美惡通乎  
上下後則天子無惡謚獨人臣  
有之後則人臣亦無惡謚矣皆

美謚云人臣美謚以三字謚不  
槩見於春秋時得貞惠父子一  
人以四字謚於我

朝得一人以六字謚者亦於我

朝三得之皆非恒典云褒貶者

取其義反之體也紀述者備其  
事辭之體也雲間王元翰氏輯  
謚濬通考上自君后臣庶以下  
及嬪寺外夷若干卷備矣所  
謂古今得失之林非耶元翰于

書無所不讀以臺史歷藝督學  
使歸田後日杜門著述輯有續  
文獻通考凡若干卷就其中抽  
謚法一種另梓云

萬曆三十四年丙申初夏

賜進士第通議大夫兵部右侍郎  
兼都察院右僉都御史奉

勅總理糧儲提督軍務兼巡撫  
應天等府地方巴都趙可懷誤

謚法通考九例

一余續文獻通考嘗益謚法一目以補馬貴與之缺例仍舊貫未及

皇朝今據實錄所書野史所記輯附其後別爲一種庶不至遠希上古近遺

昭代

一謚始周公循至後世遞有沿革輕重之變顛末不詳損益奚鑑故首總紀其有因人論列者又卽附其下庶研極易省

一成周以前謚法未肇而黃帝顓頊諸謚雜見於  
索隱通典通義諸書者雖若不經然未敢盡以  
爲非也故備錄之以示存疑之意

一歷代君后錄其謚而遺其號宗室公主錄其有  
謚者而遺其無謚者惟我朝

### 列聖暨

聖母則謚號俱書

親王無謚者亦書庶令草莽之臣未探金匱石室  
之秘者亦得以窺其盛

一先聖先賢代加隆謚混入諸臣恐失褒崇之義故別爲一目而附以從祀諸儒

一易名大典袞鉞攸存私謚雖不可爲訓然高山景行亦有類焉余故備著於篇末

一歷代諸后多從帝謚故卽系后於帝其他淑媛或以事而謚以子而謚者難以附見故又別立

一目

一是編本以紀謚故自君后名臣而下雖異端宦寺夷狄篡逆之黨有謚亦書

一前朝暨

皇明嘉隆以前俱經史傳而緯誌乘卽有所遺十  
無一二惟萬曆紀元以來第據仕籍所睹記尚  
多缺漏端有望于博雅君子

謚法通考目錄

卷之一

謚法總紀

謚法釋義

卷之二

古帝王謚

周王后謚

周宗室謚

周鄉士謚

言 卷之三  
周同姓列國君臣謚

周異姓列國君臣謚

陳王勝謚

卷之三

西漢帝后謚

西漢宗室謚

西漢公主謚

西漢諸臣謚

王莽僞謚

卷之四

東漢帝后譜

東漢宗室譜

東漢公主譜

東漢諸臣譜

蜀漢帝后譜

蜀漢宗室譜

蜀漢諸臣譜

魏帝后譜

魏宗室謚

魏公主謚

魏諸臣謚

吳帝后謚

吳諸臣謚

晉帝后謚

晉宗室謚

晉公主謚

卷之五

晉諸臣謚

晉異姓王謚

群胡君臣偽謚

劉宋帝后謚

劉宋宗室謚

劉宋公主謚

劉宋諸臣謚

南齊帝后謚

南齊宗室謚

南齊公主謚

南齊諸臣謚

卷之六

蕭梁帝后謚

蕭梁宗室謚

蕭梁諸臣謚

陳帝后謚

陳宗室謚

陳公主謚

陳諸臣謚

北魏帝后謚

北魏宗室謚

卷之七

北魏諸臣謚上

卷之八

北魏諸臣謚下

北齊帝后謚

北齊宗室謚

北齊諸臣謚

後周帝后謚

後周宗室謚

後周諸臣謚

隋帝后謚

隋宗室謚

隋諸臣謚

卷之九

唐帝后謚

唐宗室謚

唐公主謚

唐諸臣謚

武氏僞謚

卷之十

後梁帝后謚

後梁臣謚

後唐帝后謚

後唐臣謚

後晉帝后謚

後晉臣謚

後漢帝后謚

周帝后謚

周臣謚

五代僭國謚

宋帝后謚

宋宗室謚

宋公主謚

卷之十一

宋諸臣謚上

卷之十二

宋諸臣謚下

西夏僞謚

遼帝后謚

遼宗室謚

遼諸臣謚

金帝后謚

金宗室謚

金諸臣謚

劉豫偽謚

元帝后謚

元宗室謚

卷之十三

元諸臣謚上

卷之十四

元諸臣謚下

卷之十五

皇明 帝后謚

皇明 親王謚

皇明 郡王謚

卷之十六

皇明名臣謚

卷之十七

先聖先賢先儒謚

隱逸謚

歷代私謚

皇明私謚

歷代婦人謚

皇明婦人謚

異代追謚

卷之十八

宦者謚

釋家謚

道家謚

夷狄謚

謚法通考目錄終

謚法通考卷之一

雲間王 圻編輯

巴郡趙可懷校正

平湖孫成泰 郢中朱一龍

龍江王應麟 西陵吳化 化 參閱

謚法總紀

周禮春官太師掌大喪帥瞽而廡作柩謚 註云廡  
與也興言王之行謂瞽誦其治功之詩也

諸侯薨臣子跡累其行以赴告王王遣大臣會其葬

因謚之 又太史掌小喪賜謚小史掌卿大夫之喪  
賜謚讀誄註云小喪卿大夫喪

儀禮士冠禮生無爵死無謚卿大夫有爵故有謚  
大戴禮曰謚者行之跡也號者功之表也

曲禮曰惟天子稱天以誄之 註云曾子問曰賤不  
誄貴幼不誄長天子至尊故稱天以誄之

又曰已孤暴貴不爲父作謚

杜佑通典云趙商問鄭志曰已孤暴貴不爲父作  
謚而武王即位追王太王王季文王改謚爵何也

答曰周道之業興於二王之功德由之王迹初焉  
凡爲人父豈能盡賢乎若夏禹殷湯則不追謚矣  
又曰既葬言謚曰類 王肅曰謂類象其行言於天  
子以求謚也

郊特牲曰死而謚之今也古者生無爵死無謚

樂記曰聞其謚知其行

表記曰先王謚以尊名節以壹憲耻名之浮於行也  
白虎通曰號法天也法日也日未出而明謚法地也  
法月也月已入有餘光是以大行受大名細行受小

名行生於己名成於人 又曰天子崩諸侯至南郊  
謚之以爲臣子莫不欲褒稱其君掩惡揚善故於郊  
明不得欺天也后夫人謚臣子共於廟議之 註云  
婦人本無外事故不於郊又曰卿大夫老歸死有謚  
者別尊卑彰有德也卿大夫歸無過猶有祿位故有  
謚也

桓王時蔡侯卒謚桓五經通義曰有德則善謚無德  
則惡謚故同也

又曰號者所以表功德號令天下也謚之言列也陳

列所行善有善謚惡有惡謚也 又曰婦人以隨從  
爲義夫貴於朝婦貴於室故得蒙夫之謚 又曰夫  
人無爵故無謚 或曰夫人有謚夫人一國之母修  
閨門之內則下亦化之故設謚章其美惡公羊傳曰  
葬宋共姬稱其謚賢之也卿大夫妻命婦也無謚者  
以賤也妾無謚亦以卑賤無所能與猶士卑小不得  
謚也

秦始皇既併天下追尊莊襄王爲太上皇制曰朕聞  
上古有號無謚中古有號死而以行爲謚則子議父

臣議君也甚無謂朕弗取焉自今以來除謚法朕爲  
始皇帝後世以數計二世三世至于萬世傳之無窮  
致堂胡氏曰子議父臣議君而非其禮罪不容誅  
矣考德行之實而稱天以誅之臣子亦安得而私  
之哉然後世謚法雖存而公道不暢爲臣子者往  
往加美謚於君親使受所不當得者取世訕笑則  
又不若不謚之爲愈矣

五峯胡氏曰昔周公作謚法豈使子議父臣議君  
哉合天下之公奉君父以天道耳孝愛不亦深乎

所以訓後世爲君父者以立身之本也知本則身  
立家齊國治天下平不知本則縱慾恣暴惡聞其  
過入於滅亡天下知之而不自知也不合天下之  
公則爲子議父臣議君夫臣子也君父有不善所  
當陳善閉邪引之當道若生不能正旣亡而又黨  
之是不以天道奉君父而以人道事君父也謂之  
忠孝可乎今夫以筆寫神者必欲其肖不肖吾父  
則非吾父不肖吾君則非吾君柰何以謚而不肖  
之乎是故不正之謚忘臣孝子所不忍爲也

漢獻帝初平元年省孝和以下廟號初孝和廟號穆宗孝安號高宗孝順號敬宗孝桓號威宗至是蔡邕以爲宜省去從之

魏劉輔等論古者存有號則沒有謚必考行迹論功業而爲之制漢不修古制大臣有寵乃賜之謚今國家因用未革臣以爲今諸侯薨於位者可有謚宜定品秩之限尚書衛覲奏舊制諸王及列侯薨無少長皆賜謚古之有謚隨行美惡非以優之又以明識昭使不亂也臣以爲諸侯王及王子諸公侯薨可就

行跡賜謚其列侯始有功勞可一切賜謚至於襲爵者則不賜謚尚書趙咨奏諸襲爵無殊才異勳於國及未冠成人皆不宜賜謚黃門侍郎荀攸議以爲古之謚紀功懲惡也故有桓文靈厲之謚今侯始封其以功美受爵土者雖無官位宜皆賜謚以紀其功其以功受爵而身在本位類皆比例使自關內侯以下及名號賜爵附庸皆非謚所及若列侯襲有官位其大夫以上其不蒞官理事則當宿衛中勤或身死王事皆宜加謚其餘襲爵既無功勞官小善微皆不足

錄八座議以爲太尉荀勗所定五等列侯以上皆爲郡國太守內史郡尉衙門將騎督以上薨者皆宜賜謚從之

晉武帝太康六年劉毅卒時承漢魏舊制爵非列侯雖有高行而不加謚羽林左監北海王宮上疏言忠允匪躬宜蒙謚號帝出其表使八座議之多同議奏寢不報

東晉元帝大興三年詔古者謚皆名實相稱頃來有爵乃謚非聖賢本意通議之

彭城國爲李太妃求謚太常王彪之議曰服虔註彭  
子之謚非禮也婦人無謚秦始以來藩國王妃無有  
謚者中興敬后登祚乃追謚耳琅琊武王諸葛妃恭  
王夏侯妃元帝猶抑蒸蒸之至情不追謚彭城太妃  
豈宜追謚哉

唐制太常博士掌凡王公以下擬謚皆跡其功德而  
爲之褒貶無爵稱子養德丘園聲實名著則謚曰先  
生大行則大名小行則小名皆贈謚於柩 註云諸

謚職事官三品以上散官佐吏錄行狀申考功勘校

下太常擬謚記申省議定奏聞

玄宗天寶八載加聖祖及諸帝后號謚十三載復加  
吏部尚書顏真卿上言上元中政在宮壺始增祖宗  
之謚玄宗末姦臣竊命有加至十一字者按周之文  
武言文不稱武言武不稱文豈聖德所不優乎蓋稱  
其至者也請自中宗以上皆從初謚睿宗曰聖貞皇  
帝玄宗曰孝明皇帝肅宗曰宣皇帝以省文尚質正  
名敦本上命百官集議儒學之士皆從真卿議獨兵  
部侍郎袁修官以兵進奏言陵廟玉冊木主皆已剝

勒不可輕改事遂寢

綱目書法云增謚之事前古無有也而始於唐人其溢美無實不經之甚然當時臣子莫敢言之獨一顏真卿抗論其失而亦不能改故書詔議省祖宗謚以幸其有是議而惜其卒莫之省以譏之爾范氏曰堯舜禹湯文武之君謚號惟一而已既稱天以誅之則子孫不可得而改也高宗不師古昔始改祖宗舊謚天寶以後增加複重至繁而不可紀夫祖宗苟有高世之功德則曰文曰武足矣若

其無功德而子孫妄加之則是誣之而使天下後世以爲譏玩也故孝子慈孫之欲顯其親莫若使名副其實而不浮則天下心服之矣未聞以謚號繁多爲貴也唐之典禮不經甚矣

杜佑曰周制士冠禮云天子之元子士也士無謚是知太子無謚以未得有所施行故不得設謚宋武夷胡氏曰古者死而不謚不以名爲諱周人以謚易名於是乎有諱禮故諸侯薨赴不以名程子曰古之君子相其君而能致天下於大治者

無他術善惡明而勸懲之道至焉耳勸得其道而天下樂爲善懲得其道而天下懼爲惡二者爲政之大權也然行之必始于朝廷而至要莫先于謚法何則刑罰雖嚴可警于一時爵賞雖重不及于後世惟美惡之謚一定則榮辱之名不朽矣故歷代聖君賢相莫不持此以勵世風也

路史曰古之法行于今者惟謚然二千餘年而靡有定法大戴氏曰昔周公旦太公望相嗣王以制謚法周書之說亦然故今周書有謚法一篇頗爲

簡要至杜預取而納之釋例而世遂重出之謂春秋謚法蓋不知也異時有廣謚者沈約賀琛皆嘗本之約又撰著謚例事頗詳備而琛之書特少去取且復強爲君臣婦女之別亦無取焉太宗皇帝吳命扈蒙裁著新書然而亦莫究明蘇洵于是究定古今斷以書傳刊其重複以爲法雖其或從或違時亦有合聖人之意然其必欲以堯舜禹湯等入謚而謂其法起于三王五帝之時則大謬矣夫謚者原其號者也其不出于周公之前予嘗論之

彼號近古而好牽合者無過漢儒而漢儒亦謂堯舜禹湯不入謚法則其說可槩見矣且在周書初無堯舜禹湯桀紂之文至預而後增之以湯益無所據商之太宗中宗高宗本非謚法特以其一時功烈推而崇之耳乃若甲丙庚壬乙辛丁癸何由而爲謚哉若古論謚爲法最簡故賈山曰古聖作謚不過三四十言而蔡邕之書纔四十六然猶不及世本大戴之所載者洵乃以二書邕不之見見則無不載矣周書之篇乃周公之法而春秋之謚

出于此今洵反謂周公者爲最繁襍而春秋者爲簡而不亂又謂周書謚法以鄙野不傳則知二書洵亦未嘗見也按洵書曰匹夫之有謚始東漢之隱者婦人之有謚始景王之穆后夫婦人之典周三后其著者也而穆王之盛姬亦有哀淑人之謚見于穆天子之傳匹夫之典夷齊其著者也而齊之黔婁已謚曰康見于高士傳二者其來久矣比楊侃爲職林書謂公主之有謚自唐之唐安始乃不知世祖之平陽昭文公主與齊高帝之女義興

憲公主始也。邕之言漢毋無謚。至明帝始建光烈之稱。于是請正和熹之號。而不知元帝之母許恭哀高帝之母媪。已有昭靈之號。又何耶。婦人無外行者也。生也。姓配其國。沒也。謚從其夫。明有屬也。秦嬴鄧曼陳媯韓姁。以姓配國者也。秦穆姬宋共姬魯文嬖。魯夫共莊宣之。三姜以謚從夫者也。惟死先夫。則異其謚。累之。穆后桓之。文姜莊之。哀姜之類是也。後而殊謚。抑何典耶。今不知攷而更請正和熹光烈之稱。豈先王之典哉。嗟夫。顏閔至

德不聞有謚而朱暉子穆輒加父以貞宣及穆之  
死邕復以文忠被之穆則廢典邕亦不知禮耶其  
貽譏于荀爽而見誚于張璠也宜矣抑嘗言之謚  
者正先王之所謂石教也然古之謚爲名教而後  
世之謚爲辱典東漢莎車以蠻夷而廢茂典此何  
爲耶然則邕之違禮豈惟邕之罪哉德又下衰其  
流及于藝術與緇黃矣名教之失孰甚于是顧不  
謂辱典耶

元世祖至元二十二年制謚法

武宗至太二年詔內外百官三品以上者許謚  
請謚者許其家具本官平日勤勞政績德業懿範  
由所在官司保勘與本家所供相同轉申吏部考  
呈都省都省擬準令太常禮儀院驗事蹟定謚若  
戚大臣奉旨賜謚者不在此例

順帝至元元年命嚴謚法以絕冒濫

皇明謚法凡 皇帝十七字 皇后十三字 皇妃

東宮 東宮妃二字 親王用一字 郡王用二字

其文武大臣亦用二字與否取自 上裁若官品未

高而侍從有勞或以死勤事 特恩賜謚者不拘常

例夷王得特 賜謚洪武初議謚俱禮部奉 旨施

行 弘治四年令今後有乞 恩贈謚者禮部斟酌

可否務合公論不許一槩比例濫請

成化中駙馬都尉周景爲其父鴻臚卿顛乞贈謚并

乞毋祭 憲宗不允遣官諭祭其母

弘治四年戶部尚書劉昭子綺奏乞贈謚禮部覆奏

劉昭前被劾削太子少保致仕何可復與贈謚此後

有乞恩贈謚者須酌其可否奏聞務協公論不許一

葉濫請仍令禮科記之

弘治十五年唐王弼奏朝廷於親王生封以

爵歿加以誥親親之意既深且厚但其有爲惡未敗者擬例上請多獲美謚是使善者忘惡者肆也今

後王府請誥宜勸覆實跡庶彰旌善瘳惡之公禮部覆奏今後親王請行撫按覆勘郡王則行本府并親王及承奉長史等官覆實善惡賢否據實跡陳奏然後賜謚使名與實副從之

吏部尚書馬文升奏二品以上大臣卒其子孫乞謚

有 賜有不 賜者有謚及三品者美者多惡者少  
與者少不與者多乞斷自今凡二品以上大臣及始  
立功所封公侯伯卒無間見任致仕應與謚者或三  
品有 特賜者宜令吏兵二部備查勲業行實仍下  
禮科給事中詳議等第 上請賜謚若所議未公許  
言官舉劾禮部覆議乞仍遵舊例凡文武大臣謚俱  
本部具奏既得 旨移文吏兵二部詳述勲業行實  
等第送翰林院定擬 上請從之

弘治十五年奏 准凡 親王薨逝行巡按巡撫等

官覆勘 郡王病故行本府 親王及承奉長史等  
官覆勘善惡得實明白結報具奏定謚 又奏文武  
大臣有請謚者禮部照例 上請得 旨行吏兵二  
部備查實跡本部定爲上中下三等以行業俱優者  
爲上行實蹟可者爲中行實無取者爲下開送翰林  
院擬謚請 旨

正德七年吏部尚書楊一清等議覆給事中楊禕本  
自今兩京三品以上官考滿復職已給 誥命者本  
部查其歷履詢其行實果堪廕錄移咨禮部奏請其

曾被劾或雖未被劾而素譽有虧及雜流出身者俱不得與至於身後卹恩子孫陳乞者贈官由本部查議而其謚號葬祭禮部亦須先會本部議其人品資望方與具奏若庸碌無補及屢被論劾者俱已之間有人品才望素著雖嘗被劾或因一事之失或出一人之見不致虧損名節者該部各具實奏請定奪見任官不許輒自陳乞其被劾實去職及故久大臣子孫違例妄奏者罪之議上既得 俞旨禮部尚書傅珪等奏駁之曰庶子入監葬祭謚號乃本部職掌今

欲預定恩廕於考滿到部之時先議謚號葬祭於禮部具奏之始與職掌會典并見行事例不合又不可不許自陳乞與例亦不相同即如其說既經考滿復職又已請給 誥命則其人之賢可知矣旋又察其歷履詢其行實不免有高下其手之嫌葬祭謚俱有定法行之已久今必先行吏部會議方與查例不免有往來移文之擾况每遇前項事務必待該司查報至日然後具奏吏部又未嘗不與知也其陳乞之舉固爲可厭必欲一槩禁之似又難行蓋春官侍從者

多論功於既沒之後不得不陳奉使海外者多非三  
品之官不得不陳至於補廕之子繼嗣之子及三品  
以上應得 恩典而沒未久者不得不陳但當罪其  
違例陳乞者其餘事宜仍舊歸之禮部其稱悶有才  
望人品素著或因一事之失或出一人之見而被劾  
者該部各具實奏請此雖舊制所無而處置得宜則  
其可行者也乃從珪所議既而一清又以諸司職掌  
廕叙列司封部下爲言得仍前旨適侍郎王瓊乞子  
入監吏部爲覆請珪復爭曰言官建白吏部覆議皆

謂大臣不得自陳乞璫乃大臣自乞者而吏部又爲之請殊戾前奏且禮部掌行廕叙已數十餘年莫有非之者何至今日改之且職掌此條特言廕官非爲廕子入監言也豈有國子監旣屬禮部而其事有不屬者乎竟令吏部掌行之是時一清方秉用珪卒爲所軋然其是非固自有在也

王世貞弇山別集序曰余嘗有謚法通紀三十卷列其凡而序之所以標先王制謚之本旨與歷代沿革輕重之變畧備矣至明亦有紀而未甚詳

于是徧考 金匱國史之藏秘閣之籍參以家乘  
而後靡所不備凡有釋義者皆閣籍也每故事大  
臣卒禮部以謚請報 俞矣則內閣以兩字者三  
請于 上而自擇之是以具釋義也洪武之尚爲  
吳也諸功臣死事及有勞而天者皆榮公侯之爵  
而傳之謚終 高帝世文臣弗得也武臣卽都督  
弗贈侯伯弗得也至建文而待制王禕得謚文節  
矣文臣之有謚自禕始也其謚小臣者亦自禕始  
永樂制嚴矣終 太宗世文臣之得者僅姚恭靖

廣孝胡文穆廣而恭靖之爵則公也文臣之有謚  
僅文穆一也洪熙初始大合故臣凡勞于國謚于  
青宮三品而上易名者十餘人而後文臣之謚廣  
然宣英之代僅戶部馬持其柄而弗輕予且夫  
魯王愛子也秦王次嫡子也高帝命之曰荒  
曰愍而登之冊曰不敢以子故而廢天下公其于  
宗室諸子王尚有斬也文臣之有榮愍也則瑕弗  
掩也文榮之以爵也文愍之以事也庶幾寓貶矣  
婦人之有謚也自后妃而外則死節也公主之

有謚也自 仁宗之悼愛女始也乳媪之有謚也  
自 宣宗始也乳媪之夫之有謚也亦自 宣宗  
始也方士之有謚也自 世宗始謚而四字淫矣  
而使方士得之則益淫也 世宗之季吾又得二  
事焉夏文愍之持秉則同列皆中謚及身以罪死  
易世而後牽復所得者中下謚也繼而嚴氏之持  
秉則其子爲市焉非 上所甚注懷者必賄而後  
得不賄不得也卽得之不腆不上謚也及身以罪  
竄削弗謚也夫謚者人主之春秋也尊則稱天以

命之不尊則與天下共隲之而柰何爲大臣修怨  
賈利地也然則如之何其必畧採唐宋故事遇大  
臣以謚請有 俞旨則翰林之司篆者爲議而定  
二謚焉以授禮科科詳之復議而上之閣臣復衷  
而取 上裁凡文臣二品而上及勲親王公必謚  
侯伯之蒞軍府加保傳必謚謚兼美惡二品以下  
自卿佐以迨庶僚有德行政術亦謚謚則言官請  
之禮部裁之有美無惡可也自 國初以至先臣  
勲臣若傅友德若徐輝祖之類文臣若章溢若唐

鐸若胡儼若魏源之類武臣若劉玉馬永王劼之類諫臣若楊瑄黃鞏王恩楊爵之類儒林若吳與弼陳獻章胡居仁之類文苑若李夢暘何景明楊慎李攀龍之類追之以謚可也勲臣若李善長馬勝廖永忠耿炳文丘福之類文臣若陳循若徐有貞之類追之以謚謚而不盡蔽瑕可也又若于謙者易之以上謚可也萬安劉吉汪鋹張瓚者易之以下謚可也凡此數者皆所謂與天下共隲之操法于賞罰之外而毋使人得而議其後者也

按古謚法文之釋義蓋不徒以詞章述作稱故  
○國初恩典有非翰林而謚文者若劉文成基  
馬文簡京姚文敏夔唐文襄龍葉文莊盛魏文  
靖驥儲文愷權鄒文安賜儀文簡智楊文恪廉  
邵文莊寶李文通奎何文蔚喬新何文簡孟春  
黃文毅孔昭肅文昭維積吳文恪訥王文成守  
仁是也有官翰林而謚不以文者如王毅愍文  
陳莊靖文襄榮襄宗臯劉忠愍球楊莊敏鼎庶  
榮簡端明朱恭靖希周是也成弘以後則翰林

專謚文而他曹不與矣

弁山集又曰國家謚法非三品以上兩京大臣不得與然而亦有得之者如楊恭惠信民以僉都御史劉文恭鉉以少詹事宋文恪訥李文忠時勉陳文定敬宗鄒文莊守益以祭酒李文通奎劉文介儼以太常少卿俱四品朱文肅善胡文穆廣呂文懿原以翰林學士張文僖益以侍讀學士楊忠愍繼盛以兵部員外郎朱忠定復張恭僖景明以長史俱五品徐文肅善述以春坊中允王文靖汝玉

以贊善王文忠禕以翰林侍制劉忠愍球以詩議  
羅文毅倫舒文節芬俱以修撰羅文恭洪先以贊  
善蔣恭靖用文以院判俱六品鍾恭愍同以御史  
七品陳恭愍選以布政毛忠襄吉周節愍憲馮恪  
愍傑許忠節達以憲副岳文肅正以知府鄧恭毅  
顯以知縣雖品秩不同要皆無愧大典者獨蔣以  
小伎獲之殊為幸耳

按楊豫孫所著謚纂有日南知州何忠節忠上  
蔡知縣霍愍節恩弁州集以為非謚似亦無據

又謂院使袁宏謚襄敏考之正史有祭葬而無謚鄭汝璧所編袁襄敏寶亦由院使得謚恐名字之誤耳

張志淳論謚法曰 高皇帝跡行定謚至謂不容私諸子而謚以荒 文皇帝表童性理以謚法係諸治道且歷載宋儒之論以今考之古之用謚美惡並也近專美而無惡豈人皆善而惡謚無所于加抑亦惡不復謚而謚者得以掠美也

丘文莊公謚議曰臣謹按先正有言國家所以馭  
臣下者不過禍福榮辱而已爲善者生享其福死  
受其榮不善者生遇其禍死蒙其辱天下雖欲不  
治安不可得也如有不令之臣生則盜其祿位死  
則盜其榮名善者不知所勸惡者不知所懼臧否  
顛倒不可復振其爲害可勝道哉臣惟生者之禍  
福出於一時之蒙蔽衆論之不公人衆者勝天固  
可僥倖而苟免然而事久則論定天定則勝人至  
於益棺事則定矣然猶以偏愛之心持不公之論

以愚而爲賢當辱而反榮是終無天道矣是以三代明王立爲謚法以爲死後榮辱之典善者予之以美謚惡者予之以惡謚孟子所謂孝子慈孫百世不改而世之昏君僻臣乃以一己之私而掩天下之公非惟得罪於世教而實得罪於天帝也三代以前君之謚則請命乎天臣之謚則請命於君天不言而人代之言人代天言而反天之道天必殛之君不自任而俾臣代之臣承君命而負君之托逆天之理違國之法雖一時違於人刑其如天

道何唐宋議謚掌于太常博士凡於法應得謚者考其行狀撰定謚文移文吏部考功郎中覆定之○本朝雖設太常博士而不掌謚議洪武初惟武臣有謚至永樂中文臣始有謚蓋自姚廣孝胡廣始也自後文臣亦多有之然我朝之謚皆出

恩賜臣竊謂九重之上於臣下之賢否未易盡知請自今以後有應得謚者未賜之先先下有司考訂以聞然後從中賜下如此則得之者以爲榮不當得者不因其親故之囑託其當得者不爲

朋黨之掩蔽 國家激勸臣子之大端有在於是  
其爲世教之助夫豈細哉

謚法釋義

周公謚法釋義

周公旦太公望開嗣王業建功於牧野終將葬乃制  
謚遂叙謚法

民無能名曰神 善不可名

靖民則法曰皇 靖安也

德象天地曰帝 同於天地

仁義所徃曰王 民所歸徃

立志及衆曰公 志無私也

執應八方曰侯 所執行八方應之

慶賞刑威曰君 能行四者

從之成群曰君 民皆從之

教誨不倦曰長

揚善賦簡曰聖 衆善播揚所賦得簡

敬賓厚禮曰聖 聖於禮也

一德不懈曰簡

平易不訾曰簡

不信訾毀

一云不疵

尊賢貴義曰恭

會編有淵源流通曰恭無尊賢貴

義曰恭

敬事供上曰恭

供奉也

尊賢敬讓曰恭

敬有德讓有功

愛民長弟曰恭

恤民字幼

執禮御賓曰恭

御迎也

既過能改曰恭

執事堅固曰恭

守正不移

莊親之闕曰恭 修德以益之

尊賢讓善曰恭 不專己善推於人

照臨四方曰明 以明照之

譖愬不行曰明 逆知之故不行

經緯天地曰文 裁成其道

道德博聞曰文 無所不知

勤學好問曰文 敏而好學不耻下問

慈惠愛民曰文 惠以成政

愍民惠禮曰文 惠而有禮

錫民爵位曰文 與賢同升

儀備悉備曰欽

安民大慮曰定 以慮安民

大慮靜民曰定 會編無

純行不爽曰定 行一不傷

安民法古曰定 不失舊憲

辟地有德曰襄 取之以義

甲冑有勞曰襄 有功征伐

綏柔士民曰德 安民以居安士以事

義揚善曰德 守已義揚人善

諫諍不威曰德 不以威拒諫

剛彊直理曰武 剛強不屈直人以理

威強敵德曰武 威強能勝以德

克定禍亂曰武 以勇往故能定

刑民克服曰武 法以正民使服

夸志多窮曰武 大志行兵多所窮極

小心畏忌曰僖 思所當忌 會編有慈惠愛親曰

僖

質淵受諫曰釐 深故能受

有伐而還曰釐 知難故退

溫柔賢善曰懿 性純淑

心能制義曰度 制事得宜

聰明睿哲曰獻 事理皆通

知質有聖曰獻 有通無蔽 會編有博聞多能曰

獻無知質有聖曰獻

安民立政曰成 安靖其民政可垂後

淵源流通曰康 往無所忌 會編作淵源流通曰

恭

溫良好樂曰康

性稟謙和

安樂撫民曰康

無四方之虞

令民安樂曰康

富而教之

一云合民安樂

五宗安之曰孝

體親睦宗

秉德不回曰孝

守德無邪

慈惠愛親曰孝

協時肇享曰孝

因時肇享

大慮行節曰孝

執心克莊曰齊 敬存于心

資輔就共曰齊 資輔相而共成

布德執義曰穆

中情見貌曰穆 公而顯明

甄心勤懼曰頃

敏以敬慎曰頃 敏疾不縱 會編無

容儀恭美曰昭 淑儀不愆

明德有勞曰昭 布明其德而有功勞

聖聞周達曰昭 令名洋溢

柔德安衆曰靖 兵以安民

恭已鮮言曰靖 正容寡言

寬樂令終曰靖 寬廣和樂以善自終

威德剛武曰圉 能禦禍亂

治而無眚曰平 無災患

執事有制曰平 稱物以施不任已意

布綱治紀曰平 法度皆理

由義而濟曰景 以義成事

審意大慮曰景 審強也

布義行剛曰景 守義不屈

彌年壽考曰胡 久也

保民耆艾曰胡 能壽也

追補前過曰剛 惟剛德能補過 會編有強毅果

敢曰剛

強以剛果曰威 強甚於剛一作猛以剛果

清白守節曰貞 行無虧節無失

大慮克就曰貞 以天下爲度而能成其功

不隱無屈曰貞 坦然無私無屈

強毅執正曰威 義勇無邪 會編有猛以強果曰

威

治典不殺曰祈 乘常不衰 會編無 祈一作祁

治民克盡曰使 嚴督無思

好和不爭曰安 與人無競

道德純一曰思 精粹不襍 會編有辟土兼國曰

思 無道德純一曰思

大省兆民曰思 心常在民

外內思索曰思 慮周于人巳

追悔前過曰思 思而能改

行見中外曰慤 表裏如一

辟土服遠曰桓 以威正人

克敬勤民曰桓 敬以使民 一云動民

辟土兼國曰桓 兼并也

能思辯衆曰元 別之使各有次

行義說民曰元 民悅其義

始建國都曰元 非善之長何以始之

主義行德曰元 以義爲主而行德政

周閔謂廣聞也

兵甲亟作曰莊 以數征為嚴

椒園克服曰莊 通邊圉使能服

勝敵志強曰莊 不撓故勝

死于原野曰莊 非嚴何以死難

屢征殺伐曰莊 以嚴釐之

武而不遂曰莊 武能持重

柔質慈民曰惠 心性慈祥

愛民好與曰惠 好於施予 會編有柔質愛諫曰

惠

夙夜儆戒曰敬

心存儆惕

會編有夙夜恭事曰

敬與象方益平曰敬

善合法典曰敬

不敢違法

史記作合善典法

狀古述今曰譽

立言之稱

昭功寧民曰商

有安民之功

克殺秉政曰夷

傷民不任賢

安心好靜曰夷

不妄動

慈仁短折曰懷

短未六十折未二十

迭義不克曰丁 不能成義 會編有述義不第曰

丁

有功安民曰烈 以武立功

秉德遵業曰烈 會編無

剛克爲伐曰翼 伐功也

思慮深遠曰翼 小心

剛德克就曰肅 成其敬使令終

執心決斷曰肅 嚴果

外內貞復曰白 外內皆正終而復始

不生其國曰聲

生于外家

未家短折曰殤

未娶

短折不成曰殤

有知而夭

愛民好治曰戴

典禮不愆曰戴

不勤成名曰靈

任本性不見賢思齊

死而志成曰靈

能成其志

死見神能曰靈

鬼不爲厲

亂而不損曰靈

不能以治損亂

好祭鬼恠曰靈 賈于淫祀 會編無

極知鬼事曰靈 知通幽微

違拂不成曰隱 有才不得盡施

不顯尸國曰隱 以閹主國

見美堅長曰隱 不言而美自著堅且久也

官人應實曰知 以實求賢

殺戮無辜曰厲

懷狠遂過曰刺 不受人言不改已非

不思忘愛曰刺 忘其愛已者

肆行勞祀曰悼 淫祀勞民

恐懼徙處曰悼 處艱難之時常懷恐懼

年中早夭曰悼 年不稱志

早孤短折曰哀

恭仁短折曰哀

好變動民曰躁 不能安靜

不悔前過曰戾 乖戾反常

怙威肆行曰醜

壅遏不通曰幽 暗也

早孤墮位曰幽

即位而卒

動察亂常曰幽

易神之班不明也

一云動祭

外內縱亂曰荒

家不正國不理

好樂怠政曰荒

凶年無穀曰荒

不務耕稼

在國遭憂曰愍

國多大喪

在國遭艱曰愍

兵寇之事

一云逢難

禍亂方作曰愍

使民悲傷曰愍

苛政害民

質柔受諫曰慧 以虛受人 一云柔質

貞心大度曰匡 心正量弘

名實不爽曰質

德正應和曰莫 德音清淨

溫良好樂曰良 其人可好可樂

勤政無私曰類 無私惟義所在 一云施勤無私

慈和徧服曰順 能以慈和使人皆服

思慮果遠曰明 不惑于疑不蔽于近

博聞多能曰憲 有學有才

當于賜予曰愛 貪吝

滿志多窮曰惑 滿以招損其心不明

危身奉上曰忠 險不避難

思慮不爽曰厚 不差所思其功必多

克威捷行曰魏 有威而敏行

克威惠禮曰魏 威而順理

去禮遠衆曰煬 不率禮不親民

好內遠禮曰煬 淫不守正 遠禮會編作怠政

內外賓服曰正 能以衆正

肇敏行成曰直 始疾行成言無所撓沮

彰義掩過曰堅 彰人善掩人過堅固人也

䟽遠繼位曰紹 非次得之

華言無實曰夸

好廉自克曰節 不侈情欲

逆天虐民曰抗

好更改舊曰易 變故改常

名與實爽曰繆

愛民任刑曰尅 愛民而齊之以法 一作克

擇善而從曰比 親比于善

除殘去虐曰湯

史記不載會編續載者五謚并存以備考

容儀恭美曰勝

勝敵壯志曰勇

凶年無穀曰糠 糠虛也

思慮深遠曰捍

怠政交外曰撻

蔡邕獨斷帝謚

違拂不成曰隱

靖民則法曰黃

翼善傳聖曰堯

仁聖盛明曰舜

殘人多壘曰桀

殘義損善曰紂

慈惠愛親曰孝

愛民好與曰惠

聖善周聞曰宣

辟陽宣達曰昭

刑定禍亂曰武

聰明睿智曰獻

宗祭聖善曰懿

布德執義曰穆

仁義說民曰元

安仁立政曰神

布綱治紀曰平

亂而不損曰靈

保民者艾曰明

辟土有德曰襄

貞心大度曰匡

大慮慈民曰定

知過能改曰恭

不生其國曰聲

一德不懈曰簡

夙興夜寐曰敬

清白自守曰貞

柔德好衆曰靖

安樂治民曰康

小心畏忌曰僖

中身早折曰悼

慈仁和良曰順

好勇致力曰莊

恭仁短折曰哀

在國逢難曰愍

名實過爽曰繆

雍遏不通曰幽

暴虐無親曰厲

致志大圖曰景

辟土兼國曰桓

經緯天地曰文

執義揚善曰懷

短折不成曰殤

去禮遠衆曰煬

怠政外交曰攜

治典不敷曰祔

北魏元修謚議

除偽寧真曰武 此釋義古不載修議引以謚于忠者恐亦有據

隋謚

關 此謚古不載隋文帝以謚斛斯微宜補入下謚

張星謚議

好功自是曰專 此謚古不載唐臣星引以請謚宋慶禮恐必有據

張瓌謚議

貧而敗官曰墨 此謚古無釋義唐張瓌引以請謚  
錢惟演宜存備考

蘇洵謚法釋義

謚法上文五十六言

文經天緯地 勤學好問 修德來遠 慈惠愛民

忠信接禮 愍民惠禮 道德博聞 錫民爵位

剛柔相濟 修治班制 敏而好學 施而中禮

武克定戡亂 剛強直禮 保大定功 夸志多窮

威強敵德

剛強以順

闢土斥境

折衝禦侮

刑民克服

安民立政

持盈守滿

遂物之美

成禮樂明具

通遠強立

康撫民安樂

淵源流通

溫良好樂

令民安樂

獻聰明睿智

嚮忠內德

智質自操

懿柔克有光

溫柔聖善

元體仁長民

行義說民

始建國都

道德純一

思能辯眾

立義行德

章法度大明

敬慎高明

出言有文

景耆意大圖

由義而濟

布義行剛

宣施而不私

聖善周聞

善聞周達

誠意見外

明照臨四海

任賢致遠

招集殊異

獨見先識

譖愬不行

能場側陋

察色見情

昭明德有功

容儀恭美

聖聞周達

昭德有勞

聖問達道

正內外賓服

恭卑以自牧

尊賢貴義

敬順事上

不懈爲德

尊賢敬讓

執事堅固

治典不易

愛民悌長

執禮御賓

責難于君

芘親之闕

尊賢讓美

既過能改

正德美俗

莊嚴敬臨民

威而不猛

履正志和

憲賞善罰惡

博聞多見

行善可紀

敏應事有功

端守禮執義

介執一不違

通物至能應

事起而辨

靖寬樂令終 恭已鮮言

賢行義合道 明德有誠

孝慈惠愛敬 能養能恭 繼志成事 協時肇享

幹蠱用譽 秉德不回 五宗安之 大慮行節

忠盛衰純固 危身奉上 臨患不忘國

推賢盡忠 廉方公正

惠愛民好與 柔質慈民 柔質受諫 勤施無私

和柔遠能邇 號令民悅 不剛不柔 推賢讓能

安好和不爭 兆民寧賴

質名實不爽 忠正無邪

烈安民有功 秉德遵業

威賞勸刑懲 猛以剛果 以責服遠 強毅執正

勇率義共用

義制事合宜 見義能終 先君後已 取而不貪

除去天地之害

剛強毅果敢 追補前過 致果殺敵 強而能斷

壯勝敵克亂 共圍克服 死于原野 武而不遠

屢征殺伐

節好廉自克 謹行制度

襄關土有德 因事有功 甲冑有勞

愍在國逢難

勤能修其官

溫德性寬和

良中心敬事 溫良好樂

密追補前過

榮寵祿光大

順慈和徧服 和比于理

借質淵受諫 小心畏忌

純中正精粹

好學近智

修勤其世業

威容端嚴 溫共朝夕

恪敬共官次

善行不怠 能記國善

敦溫仁忠厚

大省兆民 謀慮不僭 外內思索

念終如始

容寬裕溫柔

肅剛德克就 執心決斷 正已攝下

穆布德執義 中情見貌

清避遠不義

定安民大慮 純行不爽 大慮慈仁 安民法古

簡治典不殺 平易不訾 正直無邪 一德不懈

毅致果殺敵 強而能斷

謚法下文三十五言

友睦于兄弟

禮奉義順則 恭儉莊敬

達賢直好善 䟽中通理

懷慈仁短折 執義拘善 失位而死

理康下才敏審諦

昭昭下強學好問

素正下達禮蔽樂

翼翼下思慮深遠 愛民好治

潔純下不污不義

齊孝下執心克莊

隱違拂不成 不顯尸國 懷情不盡

確忠下執德不惑

顯忠下行見中外

果忠下好力致勇

平壯下治而無背

悼襄下肆行勞祀

懋襄下以德受官

信衷下守命共時

靈榮下亂而不損

好祭鬼神

易榮下好更故舊

執事有制

布綱治紀

未中旱天

恐懼徒處

以功受賞

出言可復

不勤成名

死見神能

極知鬼神

虛榮下涼德薄禮 華言無實

愿榮下敗亂百度 忘德敗禮

縱榮下弱而立志

厲殺戮無辜

刺狠復遂過 不思安受

荒外內縱亂 好樂怠政

躁好變動民

戾不悔前過

醜估威肆行

幽壅遏不通

早孤墮位

動察亂常

愛嗇于賜予

煬好內違禮

好內怠政

去禮遠正

違天虐民

携怠政外交

夸華言無實

謬名與實爽

鄭夾漈謚法并雜論

神聖賢文武成康獻懿元

章釐景宣明昭正敬恭莊

肅穆戴翼襄烈桓威勇毅  
克壯圍魏安定簡貞節白  
匡質靖真順思考高顯和  
玄高光大英睿博憲監孝  
忠惠德仁智慎禮義周敏  
信達寬理凱清直欽益良  
度類基慈齊深溫讓密厚  
純勤謙友祁廣淑儉靈榮  
厲比潔舒賁益退訥僣速

懋宜哲察通儀經庇協端  
休悅綽容確恒熙洽紹世  
果

右上謚百三十一用之君親用之君子

懷

悼愍

亦作閔

哀隱

幽

冲夷

懼

息

勞

鄙愿

傲

右中謚十四用之閔傷用之無後

野

夸

躁

伐

荒

煬

戾

刺

虛

蕩

墨

僭

亢

干

褊

專

輕

苛

介

暴

虐 愎 悖 凶 慢 忍 毒 惡 殘 戾  
攘 頑 昏 驕 醜 酒 僥 佞 侈 惑  
靡 溺 偽 妄 譎 諂 誣 詐 譎 訕  
詭 姦 邪 慝 蠱 危 圯 懦 撓 覆  
敗 斃 疵 饕 費

右下謚六十五用之殲夷用之小人

鄭夾漈曰天下有難行之道雖曰古有是道而後  
世終不可行者非古有是道也後之人設是道以  
實之耳豈有可行於古而不可行於今之道乎若

曰臣子可以議君父之得失使有德則謚善無德則謚惡大行受大名細行受細名行生於己名生於人此真不可行之道也自非伐無道誅有罪收其鯨鯢以爲京觀則安得有惡謚之稱乎臣以爲立謚之意本爲昭穆命謚之義取於尊隆且生有惡死無惡者人之情也生可簡死不可簡者禮之事也生雖侯伯死必稱公生不踰等死必加等先王之通制也豈有稱王之號有隆而命死之名有虧乎謚亦有惡惡謚非所以加君父也子曰父在

觀其志父沒觀其行三年無改於父之道可謂孝矣不若是是不當於人心子議父臣議君秦人之所厭而削之也今先儒之所謂謚者正秦人之論耳不合于古道

又曰謚法惡謚莫如桀紂其次莫如桓靈其次莫如幽厲此古今之所聞也以臣所見皆不然桀紂是名耳非謚也名者生之所命而非死之所加也當夏之季當殷之興與未有謚桀非謚也當殷之季當周之興雖有謚法然得謚爲榮不得謚爲辱

名之以紂辱莫大焉桀之所名者取於木猶高柴  
公孫枝之所取云爾豈有殘人多殺之名而可以  
爲名乎紂之所名者取於絲猶臧紇南宮縚之所  
取云爾豈有殘義損善之名而可以爲名乎是名  
也非已之所更即父兄之所命也安得有是義乎  
桓於經典並無惡義如公執桓圭桓乃圭璋之首  
稱如桓桓武王桓乃果毅之盛德齊之桓公用能  
霸業周之桓王元無累行安得桓爲惡名乎靈者  
神聖之異名周之東也王綱不振四方解體迨乎

靈王周道始昌諸侯服從故傳曰惟有髡王甚神  
聖以其生有神聖之德死則謚之以靈是為名實  
允當其曰諱為靈若厲者荆蠻不根之論也安得  
靈為惡名乎幽者隱之並名也周幽王喪於犬戎  
之禍魯隱公卒於羽父之難皆臣子所不忍言故  
以幽隱命之痛惻之甚也豈有壅遏不道之義乎  
語曰子溫而厲威而不猛恭而安厲與安並德故  
於厲言而猛則異於是故於猛言不厲非惡也豈  
有暴虐無親之義乎厲王過矣使厲王而有暴虐

言治道少  
卷之六十一  
無親之名則宣王不得爲孝子幽王過矣使幽王  
而受壅遏不通之責則晉文侯鄭武公不得爲良  
臣成周之法初無惡謚謚之有惡者後人之所立  
也由有美刺之說行然後人立惡謚

又曰法之爲謚者取一文耳非有他說也謚法行  
其說紛紛矣書見于世者有周公謚法有春秋謚  
法有廣謚有今文尚書有大戴記有世本有獨斷  
有劉熙之書有來奧之書有沈約之書有賀琛之  
書有王彥威之書有蘇冕之書有扈蒙之書有蘇

漢之書其實皆由漢魏以來儒生取古人之書而釋以已說集而爲法也故蘇洵曰周公之法反取賀琛之新法載之書是知世之謚法名爲古者實非古也今考周公之書所用後人之語甚多是皆爲謚法者展轉相因言文雜糅無足取也惟沈約之書博采古今詮次有紀然亦無所建明至蘇氏承詔編定六家謚法乃取周公春秋廣謚沈約賀琛扈蒙之書斷然有所去取其善惡有一定之論實前人所不及也皇也帝也王也公也侯也君也

師也長也胥也實尊卑之號上下之稱且生有爵  
死有謚以是爲謚未之敢聞也若皇帝可以爲謚  
則天子亦可以爲謚矣若公侯可以爲謚則卿大  
夫亦可以爲謚矣若師長可以爲謚則父兄亦可  
以爲謚矣無義之談莫此爲甚經幾百年間而後  
蘇子闢之堯取壘土以命名舜取穠華以命名禹  
取于獸湯取于水桀以喬木紂以繹絲是非已之  
所更必父兄之所命也且生有爵死有謚以是爲  
謚未之前聞也蘇氏未暇及臣不敢後焉謹修

可用者二百十謚分爲三類只以一文見義無事  
乎文之廣無事乎說之繁庶乎表裏蘇氏之學是  
亦典禮之大者

又曰凡蘇氏所取一百六十八謚三百十一條臣  
今只即一文以見義即文可以見文不必曰施而  
中理曰文經緯天地曰文即武可以見武不必曰  
克定禍亂曰武保大定功曰武即孝可以見孝不  
必曰慈惠愛親曰孝能養能恭曰孝即忠可以見  
忠不必曰盛衰純固曰忠臨患不忘曰忠且即文

以見義則文簡而義顯舍文而從說則說多而義  
惑蘇氏所削爲多矣今復削去三百十一條之說  
只從百六十八謚而增損焉實得二百十謚分而  
爲三上謚百三十一用于君親用于君子下謚六  
十五用于殲夷用于非君子中謚十四用于閔傷  
用于無後者其有堯舜禹湯桀紂六文乃人名非  
謚法所宜去也陳胡公滿者言其老也有胡考之  
稱焉胡非謚義齊有丁公名也漢有丁公姓也丁  
非謚義故去胡去丁曰商曰使曰軍曰趨曰鼎曰

莫曰敵曰震曰攝曰革曰易曰素曰頃凡十三文  
雖有其謚於辭義未安故宜去也曰原曰愛曰聲  
曰聞曰要曰強曰平凡七文文雖可用于義不專  
亦宜去蘇氏所取者百六十八謚今去其二十八  
凡蘇氏所去者百九十八謚今取其七十二披沙  
得金甄金去土非相違也而相從也

又曰蘇氏去其歷代所以爲尊卑之號者九皇帝  
王公侯君師長胥是也子曰左丘明耻之丘亦耻  
之蘇氏去其義之不安者八今取其責取其逸所

以待丘園也蘇氏去其子孫不恐稱者九十四今  
取其暴取其虐取其愎取其凶取其悖取其慢取  
其忍取其惡取其毒取其戾取其攘取其頑所以  
待暴戾取其昏取其驕取其醜取其湏取其僥取  
其狙取其侈取其惑取其靡取其溺所以待淫侈  
取其諂取其偽取其讎取其妄取其誣取其詐取  
其譎取其訕取其詭取其奸取其邪取其隱取其  
蠱所以待奸回取其危取其圯取其撓取其覆取  
其敗取其斃所以待覆亡取其懦取其疵取其饜

所以待貪鄙蘇氏去其名之不能舉其人之要者  
八今取其退取其訥所以待恬退之士取其修取  
其訓所以待禮法之人蘇氏去其鄙陋不足以訓  
者十有一今取其德取其速爲靖專者備也蘇氏  
去其泛濫不可指名善惡之狀者七今取其懋爲  
黽勉者備也取其宜爲中庸者備也蘇氏去其重  
復而無益於用者五十七今取其哲有異于智也  
取其察有異于明也取其通有異于敏也取其儀  
有異于穆也取其經有異于憲也取其協有異于

順也取其端有異于直也取其費有異于誇也取其休取其悅有異于覲也取其綽取其容有異于寬也取其確取其恒有異于介也取其熙取其洽有異于和也

又曰蘇氏于百六十八謚之外有七去三百十一條之中有六類七去者削其文六類者易其義臣今此書只用文顯不可義說故于六類亦無所用但第四類中比儉二義于文未安不得不爲之說儉乃恭儉之儉比乃協比之比儉也比也古之美

謚也蘇氏引儉則固之義而更之曰菲薄廢禮曰儉引君子周而不比之義而更之曰事君有黨曰比以比儉二謚內于惡德此臣之所不取也儉若爲惡德則夫子溫良恭儉之儉其將何取比若爲惡德則協比其鄰婚姻孔云之比其將何爲若之何以不中禮之儉爲儉朋比之比爲比乎臣今易置從古道也

又曰語曰孔文子何以謂之文也子曰敏而好學不耻下問是以謂之文也然則文子之謚初無謚

法仲尼第因問而即其人之行事以釋之柰何先  
立其法必使人之曲中也規矩本爲方員設而非  
豫爲小大劑量使制器者範圍于此况所作之法  
只採經傳之言其間有大不通理處子曰敏而好  
學不耻下問是以謂之文而曰敏而好學曰文可  
也孟子曰陳善閉邪謂之敬而云陳善閉邪曰敬  
可也易之益曰君子見善則遷有過則改而云遷  
善改過曰益可也左傳曰共用之謂勇而云率義  
共用曰勇可也宋何詩曰詩矣能言巧言如流而

曰巧言如流曰苟可乎書曰賓于四門四門穆穆而云闢于四門曰穆可乎傳曰季子生而有文在其手曰友遂命之而云有文在手曰友何義也書曰乃聖乃神乃武乃文而云乃聖乃神曰武何義也詩序曰太平之君子能持盈守成而云持盈守滿曰成何義也至于終始如一者鸞謂之終爲人所渴望者則謂之渴于義安乎取並后匹嫡之義而爲並取執尊之義惟家之索而爲索是可用乎千百載間守此是之博士禮官行之而斷無以爲

非者臣不知其解

愚謂周公創謚之意正欲美惡不相掩使天下後世之爲君者知善則生有顯名沒又有榮稱不然雖忠臣孝子亦不得而私之庶幾以是不傲然肆志乎豈第取於昭穆與尊隆爲也夫昭穆何假於謚謚而又屢取於尊隆如幽如厲俱之爲美謚則雖秦王亦欣然承之無用除去矣夾漈之論有駁有醇謹詳述之以俟參訂

皇明通用謚法釋義

文經緯天地

修德來遠

勤學好問

道德博聞

慈惠愛民

敏而好學

愍民惠禮

剛柔相濟

忠信接禮

修治班制

施而中禮

武克定禍亂

保大定功

威強敵德

剛強直理

剛強以順

闢德斥境

折衝禦侮

刑民克服

成禮樂明具

持盈守滿

遂物之美

通遠強立

安民立政

康安樂撫民

溫柔好樂

令民安樂

淵源流通

獻聰明睿智

嚮惠內德

智質有理

懿柔克有光

溫柔賢善

元體仁長民

行義說民

道德純一

立建國都

思能辨衆

立義行德

章法度大明

敬慎高明

出言有文

景者意大圖

由義而濟

布義行剛

宣施而不私

善聞周達

誠意見外

聖善周聞

明照臨四方

任賢致遠

獨見先識

諧愬不行

察色見情

招集殊異

昭明德有功

聖德昭著

容儀恭美

昭德有勞

正內外賓服

恭卑以自牧

尊賢貴義

不懈爲德

敬事供上

愛民弟長

執禮御賓

尊賢讓善

執事堅固

敬順事上

正德美容

既過能改

莊嚴敬臨民

威而不猛

履正志和

肅剛德克就

執心決斷

正已攝下

穆布德執義

中情見貌

清避遠不義

定安民大慮

安民法古

純行不爽

簡治典不殺

平易不訾

正直無邪

一德不懈

憲賞善罰奸

博聞多能

行善可紀

敏應事有功

端守禮執義

敬夙夜儆戒

夙興恭事

合善典法

介執一不遷

裕強學好問

通物至能應

事起而辨

白外內貞復

端寬樂令終

恭已鮮言

柔德安衆

賢行義合道

明德有成

貞清白守節

大慮克就

不隱無屈

孝慈惠愛親

五宗安之

大慮行節

能養能恭

繼志成事

協時肇亨

秉德不回

幹蠱用舉

忠盛衰純固

危身奉上

推能盡忠

廣方公正

臨患不忘國

惠愛民好與

柔賞慈民

施勤無私

和柔遠能邇

不剛不柔

號令民悅

推賢推能

安和好不爭

兆民寧賴

賢名實不爽

忠正無邪

靜柔德教衆

烈安民有功

秉德尊業

禮奉義順則

恭儉莊敬

威賞功刑懲

以刑服遠

猛以彊果

強義執正

勇率意共用

義制事合用

見義能忠

先君後已

取而不貪

除去天地之害

剛強毅果敢

追補前過

致果殺敵

強而能斷

壯勝敵志強

敵國見服

死於原野

兵甲亟作

屢征殺伐

武而不遂

潔不污不義

節好廉自克

謹行制度

襄闢地有德

甲冑有勞

因事有功

愍在國逢難

良小心敬事

溫良好樂

勤能修其官

密追補前過

溫德性寬和

榮寵祿光大

順慈和徧服

僖小心畏忌

純中正和粹

果好力致勇

修勤其世業

顯行見中

和比於理

慈仁和民

無過爲僖

質淵受諫

小心恭慎

好學近智

恪敬共官次

威容端嚴

溫恭朝夕

毅善行不怠

溫仁忠厚

能紀國善

思追悔前過

念終如始

謀慮不僭

外內思索

容寬裕溫柔

懷慈仁短折

失位而死

隱威德剛武

此四字未協古義恐有訛

相辟土服遠

克敬動民

辟土兼國

慈賢柔受諫

已上六十八字見于類鈔者似亦未詳姑依原

稿錄之以備覽

前漢書卷之十一

三十一

三十一